

საქართველოს სტატისტიკის ეროვნული სამსახური

ეროვნულ ანგარიშთა სისტემის ძირითად ანგარიშთა თანამიმდევრობა

ეროვნული ანგარიშების შედგენის მთავარი არსია განზოგადებული მაჩვენებლების სრული სისტემის ფორმირება ეკონომიკის განვითარების სხვადასხვა სტადიაზე და ამ მაჩვენებლების ურთიერთკავშირის უზრუნველყოფა. მიწოდებისა და გამოყენების ყველა სტადიას (წარმოება, შემოსავლების პირველადი განაწილება, შემოსავლების მეორადი განაწილება, საბოლოო მოხმარება და დაგროვება და სხვა) შეესაბამება სპეციალური ანგარიში ან ანგარიშთა ჯგუფი.

ამ ანგარიშებში ისახება საქონლისა და მომსახურების მოძრაობა და შემოსავლები ყველა სტადიაში: მათი წარმოებიდან გამოყენებამდე, აგრეთვე არაფინანსური და ფინანსური აქტივებისა და ვალდებულებების ცვლილება.

ძირითადი ანგარიშები იყოფა **მიმდინარე** და **დაგროვების** ანგარიშებად. ყოველ ანგარიშს აქვს ორი მხარე (რესურსებისა და გამოყენების მხარე მიმდინარე ანგარიშებისათვის; ცვლილებები აქტივებში და ცვლილებები ვალდებულებებსა და წმინდა ღირებულებაში - დაგროვების ანგარიშებისათვის) და დამატალანსებელი მუხლის სახით მიღებული მაკროეკონომიკური მაჩვენებელი. ანგარიშთა თანამიმდევრობაში ყოველი ანგარიშის საბალანსო მუხლი მომდევნო ანგარიშისათვის საწყის მაჩვენებელს წარმოადგენს.

ეროვნული ანგარიშების პორტალზე წარმოდგენილია შემდეგი ანგარიშები:

წარმოების ანგარიში ასახავს ეას-ით განსაზღვრულ საქონლისა და მომსახურების წარმოების პროცესთან დაკავშირებულ ოპერაციებს. წარმოების ანგარიშის რესურსების მხარე მოიცავს მონაცემებს საქონლისა და მომსახურების მთლიანი გამოშვების შესახებ, ხოლო გამოყენების მხარე - შუალედურ მოხმარებასა და დამატებული ღირებულების მოცულობას. ამ ანგარიშის დამატალანსებელი მუხლია **დამატებული ღირებულება**.

შემოსავლების ფორმირების ანგარიში გვიჩვენებს პირველადი შემოსავლების სახეებს მათი წარმოშობის შემდეგი წყაროების მიხედვით: შრომის ანაზღაურება, შერეული შემოსავალი, მოგება, წმინდა გადასახადები (გადასახადებსა და სუბსიდიებს შორის სხვაობა) წარმოებასა და იმპორტზე.

პირველადი შემოსავლების განაწილების ანგარიში რეზიდენტ ინსტიტუციონალურ ერთეულებსა და სექტორებს წარმოგვიდგენს როგორც პირველადი შემოსავლების მიმღებს და არა როგორც ამ შემოსავლების წარმოების პროცესის შედეგად შექმნილს. ეს ანგარიში ასახავს როგორც პირველად, ასევე საკუთრებიდან შემოსავლებს. ამ ანგარიშის დამატალანსებელი მუხლია **ეროვნული შემოსავალი**;

საქართველოს სტატისტიკის ეროვნული სამსახური

მთლიანი ეროვნული შემოსავალი = მთლიანი შიდა პროდუქტი საბაზრო ფასებში + პირველადი შემოსავლების წმინდა მიღება დანარჩენი მსოფლიოდან

შემოსავლების მეორადი განაწილების ანგარიში გვიჩვენებს, თუ როგორ გარდაიქმნება ეროვნული შემოსავალი განკარგვად შემოსავლად მიმდინარე ტრანსფერტების მეშვეობით; ამ ანგარიშის დამატალანსებელი მუხლია მთლიანი განკარგვადი შემოსავალი.

მთლიანი ეროვნული განკარგვადი შემოსავალი = მთლიანი ეროვნული შემოსავალი + მიმდინარე ტრანსფერტების წმინდა მიღება დანარჩენი მსოფლიოდან.

განკარგვადი შემოსავლების გამოყენების ანგარიში გვიჩვენებს, თუ როგორ ნაწილდება განკარგვადი შემოსავალი საბოლოო მოხმარების ხარჯებსა და დანაზოგებს შორის; ამ ანგარიშის დამატალანსებელი მუხლია მთლიანი დანაზოგი.

მთლიანი დანაზოგი = მთლიანი ეროვნული განკარგვადი შემოსავალი - ხარჯები საბოლოო მოხმარებაზე (შინამეურნეობების, შმაკო-ების და სახელმწიფო მართვის ორგანოების ხარჯები საბოლოო მოხმარებაზე).

კაპიტალის ანგარიში ასახავს არაფინანსური აქტივების შექენასა და გაყიდვას და წმინდა ღირებულების ცვლილებას დანაზოგებისა და კაპიტალური ტრანსფერტების მეშვეობით. მისი დამატალანსებელი მუხლია წმინდა დაკრედიტება / წმინდა სესხება - ინსტიტუციური ერთეულის ან სექტორის განკარგვლებაში არსებული თანხა სხვა ერთეულის ან სექტორის დასაფინანსებლად ან სხვა ერთეულის ან სექტორისგან სასესხებელი თანხა. იგი წარმოადგენს გადამეტებას ან დეფიციტს ინვესტიციების ფინანსირების წყაროებსა და არაფინანსური აქტივების წმინდა შექენის ხარჯებს შორის. მთლიანად ეკონომიკის მასშტაბით წმინდა დაკრედიტება ან წმინდა სესხება გვიჩვენებს რესურსების მოცულობას, რომელიც გადასცა ქვეყანამ დანარჩენ მსოფლიოს ან პირიქით.

წმინდა დაკრედიტება (+), წმინდა სესხება(-) =

მთლიანი დანაზოგი

+ კაპიტალური ტრანსფერტების წმინდა მიღება დანარჩენი მსოფლიოდან

- მთლიანი კაპიტალის ფორმირება

- არაწარმოებული არაფინანსური აქტივების წმინდა შესყიდვა

საქართველოს სტატისტიკის ეროვნული სამსახური

	ეროვნული ანგარიშები (ეას 2008-ის მიხედვით)	
	გამოყენება / ცვლილებები აქტივებში	რესურსები / ცვლილებები ვალდებულებებსა და წმინდა ღირებულებაში
წარმოების ანგარიში	შუალედური მოხმარება (P.2) მთლიანი შიდა პროდუქტი (B.1)	გამოშვება საბაზრო ფასებში (P.1)
შემოსავლების ფორმირების ანგარიში	დასაქმებულთა შრომის ანაზღაურება (D.1); (გადასახადებს - სუბსიდიები) პროდუქციასა და იმპორტზე (D.2-D.3); შერეული შემოსავალი (B.3) + საოკეარაციო მოგება (B.2)	მთლიანი შიდა პროდუქტი (B.1)
შემოსავლების პირველადი განაწილება	საკუთრებიდან მიღებული შემოსავლები (D.4); მთლიანი ეროვნული შემოსავალი (B.5)	შერეული შემოსავალი (B.3) + საოკეარაციო მოგება (B.2); დასაქმებულთა შრომის ანაზღაურება (D.1); (გადასახადებს - სუბსიდიები) პროდუქციასა და იმპორტზე (D.2-D.3); საკუთრებიდან მიღებული შემოსავლები (D.4)
შემოსავლების მეორადი განაწილება	შემოსავალსა და ქონებაზე გადასახადების გადახდა (D.5); სოციალური შემოწირულობებისა და სხვა სოციალური შენატანების გადახდა (D.6); სხვა მიმდინარე ტრანსფერების გადახდა (D.7); მთლიანი განკარგვადი შემოსავალი (B.6)	მთლიანი ეროვნული შემოსავალი (B.5) შემოსავალსა და ქონებაზე გადასახადების მიღება (D.5); სოციალური შემოწირულობებისა და სხვა სოციალური შენატანების მიღება (D.6); სხვა მიმდინარე ტრანსფერების მიღება (D.7)

საქართველოს სტატისტიკის ეროვნული სამსახური

<p>შემოსავლების გამოყენების ანგარიში</p>	<p>ხარჯები საბოლოო მოხმარებაზე (P.3), მათ შორის: შინამეურნეობების; სახელმწიფოსა და შპაკობების</p> <p>მთლიანი დანაზოგი (B.8)</p>	<p>მთლიანი განკარგვადი შემოსავალი (B.6);</p>
<p>კაპიტალის ანგარიში</p>	<p>ძირითადი კაპიტალის მთლიანი ფორმირება (P.51);</p> <p>მარაგების ცვლ ილუ ბა (P.52) ფასეულობათა წმინდა შექენა(P.53);</p> <p>არანარმოებული არაფინანსური აქტივების წმინდა შექენა (K.2);</p> <p>წმინდა დაკრედიტება / სესხება (B.9)</p>	<p>მთლიანი დანაზოგი (B.8);</p> <p>კაპიტალური ტრანსფერების მიღება მინუს კაპიტალური ტრანსფერების გადახდა (D.9)</p>